

III

Nadležni organ uprave može provesti postupak nepotpune eksproprijacije nekretnina za izgradnju objekta i izvođenje radova iz tačke I ove Odluke.

IV

Ova Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2471/25
05. augusta 2025. godine
Trnovo

Predsjedavajući
Općinskog vijeća Trnovo
Ismet Mulaosmanović, s. r.

Odluka objavljena na oglasnoj ploči općine Trnovo dana 05.08.2025. godine

Na osnovu člana 22. stav (5) Zakona o komunalnim djelatnostima ("Službene novine Kantona Sarajevo", br. 14/2016, 43/2016, 10/2017-ispr., 19/2017, 20/2018 i 22/2019) i člana 24. i 117. Statuta Općine Trnovo ("Službene novine Kantona Sarajevo", br. 12/08), na prijedlog Općinskog načelnika, Općinsko vijeće Trnovo, na 8. redovnoj sjednici, održanoj dana 01.08.2025. godine, donosi

ODLUKU

O UTVRĐIVANJU CIJENA USLUGA DISTRIBUCIJE
VODE I ODVOĐENJA OTPADNIH VODA

Član 1.

Ovom odlukom utvrđuju se cijena usluge distribucije vode i odvođenja otpadnih voda, na području općine Trnovo za vodovode koji su u nadležnosti JKP "Trnovo" d.o.o. Trnovo.

Član 2.

Cijene usluga proizvodnje i distribucije vode utvrđuju se kako slijedi:

R/B	OPIS	CIJENA (KM/m ³)
1	FIZIČKA LICA - DOMACINSTVA	
	Proizvodnja i distribucija vode	0,86
	Naknada za vodomjerno-potrošačko mjesto	2,50
2	PRAVNA LICA I JAVNE USTANOVE KOJE OBAVLJAJU DJELATNOST	
	Proizvodnja i distribucija vode	1,70
	Naknada za vodomjerno - potrošačko mjesto profil do 1 "	4,00
	Naknada za vodomjerno - potrošačko mjesto profil od 5/4" do 2"	6,00
	Naknada za vodomjerno - potrošačko mjesto profil preko 2"	8,00
3	FIZIČKA LICA - POSLOVNA ZONA REGULACIONOG PLANA BJELAŠNICA	
	Proizvodnja i distribucija vode	2,50
	Odvođenje otpadnih voda	0,94
	Naknada za vodomjerno - potrošačko mjesto	4,00
4	PRAVNA LICA - POSLOVNA ZONA REGULACIONOG PLANA BJELAŠNICA	
	Proizvodnja i distribucija vode	2,80
	Odvođenje otpadnih voda	1,20
	Naknada za vodomjerno - potrošačko mjesto do 6/4"	8,00
	Naknada za vodomjerno potrošačko mjesto preko 2"	14,00
5	ISPORUKA VODE PREMA UGOVORENIM POTROŠAČIMA	
	Proizvodnja i distribucija vode	0,70

Član 3.

Mjesečni paušal za potrošače bez ugrađenog vodomjera iznosi 5,00 KM, po domaćinstvu, što uključuje porez na dodanu vrijednost i naknadu za korištenje voda.

Član 4.

Na cijene usluga iz člana 2 ove Odluke obračunavaju se i naplaćuju: porez na dodanu vrijednost, naknada za korištenje voda i naknada za zaštitu voda, u skladu sa važećim propisima.

Član 5.

Za pravno lice i pojedinca kao korisnika komunalne usluge koje izvrši neovlašteno priključenje na komunalnu infrastrukturu, neovlašteno interveniše na komunalnoj infrastrukturi, neovlašteno koristi komunalne usluge, svojim radnjama onemogućiti nesmetano korištenje komunalne usluge u zgradi, spriječi davanja komunalne usluge da interveniše na komunalnoj infrastrukturi i postrojenjima i time ugrozi korištenje komunalne usluge ostalim korisnicima, spriječi ulazak radi pregleda zajedničkih i unutrašnjih instalacija ovlaštenom predstavniku davanja komunalnih usluga, upravitelju zgrade, odnosno nadležnom inspektor, oštećuje, odnosno uništava osnovna sredstva, postrojenja i drugu komunalnu opremu i na taj način nepovoljno utiče na normalno pružanje komunalnih usluga ostalim korisnicima, odnosno na sam kvalitet tih usluga, propisana je novčana kazna članom 49. Zakona o komunalnim djelatnostima. Inspeksijski nadzor nad pimjenim ovog člana vrši Komunalni inspektor Općine Trnovo.

Član 6.

Kontrolu nad izvršenjem odredaba ove Odluke vrši općinski organ uprave nadležan za komunalne poslove, te u slučaju potrebe nadležni općinski organ uprave će vršiti analizu stanja u primjeni u provođenju ove Odluke i predlagati potrebne izmjene i dopune ove Odluke.

Član 7.

Ova Odluka stupa na snagu danom objavljivanja na oglasnoj tabli Općine Trnovo, kada prestaje da važi Odluka Općinskog vijeća Trnovo o utvrđivanju cijena usluga distribucije vode i odvođenja otpadnih voda ("Službene novine Kantona Sarajevo", broj 22/23). Ova Odluka će naknadno biti objavljena u "Službenim novinama Kantona Sarajevo"

Broj 01-02-2472/25
05. augusta 2025. godine
Trnovo

Predsjedavajući
Općinskog vijeća Trnovo
Ismet Mulaosmanović, s. r.

Odluka objavljena na oglasnoj ploči Općine Trnovo dana 05.08. 2025. godine

ZAVOD ZA IZGRADNJU KANTONA SARAJEVO

Na osnovu čl. 66. st. (1) i (2) i 68. stav (3) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 24. stav (1). tačka d) Zakona o ministarstvima i drugim organima uprave Kantona Sarajevo ("Službene novine Kantona Sarajevo", br. 40/22), a u vezi sa čl. 110. i 111. Zakona o prostornom uređenju Kantona Sarajevo("Službene novine Kantona Sarajevo", br. 24/17 i 1/18), direktor Zavoda za izgradnju Kantona Sarajevo donosi

INSTRUKCIJU

O NAČINU VRŠENJA STRUČNOG NADZORA
PRILIKOM IZGRADNJE GRAĐEVINA

Član 1.

(Predmet)

- (1) Ovom instrukcijom bliže se propisuje vršenje stručnog nadzora od strane državnih službenika - nadzornih inženjera Zavoda za izgradnju Kantona Sarajevo (u daljem tekstu:

nadzorni inženjeri) prilikom izgradnje građevina i drugih zahvata u prostoru i odnosi se na:

- a) pripremne radove;
 - b) građevinske i građevinsko-zanatske radove;
 - c) ugradnju i montažu opreme,
 - d) druge zahvate u prostoru, kao i radove na rekonstrukciji, dogradnji, nadogradnji, sanaciji, revitalizaciji, konzervaciji, izgradnji privremenih građevina i uklanjanju građevina.
- (2) Nadzorni inženjeri vrše stručni nadzor u skladu sa Zakonom o prostornom uređenju Kantona Sarajevo ("Službene Novine Kantona Sarajevo", br. 24/17 i 1/18) u daljem tekstu (Zakon o prostornom uređenju), posebnim zakonima i propisima, važećim tehničkim propisima, standardima iz oblasti građenja i ovom instrukcijom.
- (3) Odredbe ove instrukcije ni na koji način ne isključuju niti derogiraju pravila struke ili druga postupanja nadzornih inženjera utvrđena drugim propisima.

Član 2.

(Obaveze nadzornih inženjera)

Prilikom vršenja stručnog nadzora nadzorni inženjeri nadziru građenje u odnosu na usklađenost sa građevinskom dozvolom, glavnim ili izvedbenim projektom ili projektom uklanjanja građevina, na sljedeći način:

- a) prisutnošću na gradilištu u svim slučajevima početka, tokom izvođenja i završetka pojedinih radova u mjeri koja osigurava da se neće odstupiti od građevinske dozvole, glavnog ili izvedbenog projekta za građevinu koja je predmet stručnog nadzora;
- b) poznavanjem projekata i tehničkog rješenja građevine, te tehnološkog načina na koji izvođač izvodi pojedine radove kako bi mogao utvrditi potencijalna, odnosno stvarna odstupanja od građevinske dozvole, glavnog projekta, izvedbenog projekta ili projekta uklanjanja građevina;
- c) vršenjem kontrole da li se građenje izvodi prema građevinskoj dozvoli, odnosno prema glavnom ili izvedbenom projektu, kao i blagovremeno preduzimanje mjera u slučaju odstupanja izvođenja radova od tih projekata;
- d) prisutnošću u svim fazama kontrole i provjere kvaliteta materijala planiranih za ugradnju;
- e) vršenjem kontrole prilikom ovjere količina izvedenih radova (ovjera građevinskih knjiga, privremenih i okončanih situacija, računa za izvedene radove i druge dokumentacije) od strane koordinatora i članova nadzornog tima;
- f) provjerom kvaliteta proizvoda, opreme i instalacija koji se ugrađuju ili postavljaju u skladu sa zahtjevima projekta i utvrđivanje da li postoji dokumentacija kojom se dokazuje njihov kvalitet (atest, sertifikat, izvještaj o ispitivanju i dr.);
- g) posebnom kontrolom i provjerom kvaliteta izvedenih radova koji se prema prirodi i dinamici izgradnje objekta kasnije ne mogu provjeriti (radovi na izvođenju temelja, armature, oplata, izolacije i dr.);
- h) davanjem potrebnih uputstava izvođaču radova i obavještanje investitora i nadležnog inspektorata u slučaju odstupanja od građevinske dozvole i projekta za izvođenje, kao i u slučaju promjene uslova gradnje

objekta (promjena vrste tla ili drugih parametara utvrđenih geomehaničkim elaboratom i sl.);

- i) redovnim praćenjem dinamike gradnje objekta i usklađenosti sa ugovorenim rokovima;
- j) saradnjom sa projektantom radi obezbjeđenja pravilne realizacije projektantskog koncepta objekta, kao i saradnju sa izvođačem radova i investitorom prilikom izbora detalja tehnoloških i organizacionih rješenja za izvođenje radova;
- k) saradnjom sa izvođačem radova i projektantom u pripremi projekta izvedenog stanja ukoliko je tokom izvođenja radova došlo do izmjene u odnosu na glavni ili izvedbeni projekat;
- 1) rješavanje drugih pitanja koja se pojave u toku građenja, odnosno izvođenja radova.

Član 3.

(Dužnosti nadzornih inženjera)

- (1) Nadzorni inženjeri dužni su da prate i kontrolišu izvođenje radova na gradilištu, kao i na mjestima gde se izvode drugi radovi za potrebe građenja objekta.
- (2) Nadzorni inženjeri nisu ovlašteni da bez saglasnosti Investitora odobravaju izmjene projektne dokumentacije na osnovu koje se izvode radovi.
- (3) Nadzorni inženjeri nisu ovlašteni da utiču na investitora u pogledu načina regulisanja ugovornog odnosa sa izvođačem radova u bilo kom slučaju ili situaciji do koje može doći prilikom izvođenja radova.
- (4) Sva zapažanja u toku vršenja stručnog nadzora nadzorni inženjeri upisuju u građevinski dnevnik u skladu sa propisom kojim se uređuje sadržina i način vođenja građevinskog dnevnika.

Član 4.

(Imenovanje nadzornih inženjera)

- (1) Direktor Zavoda za izgradnju Kantona Sarajevo (u daljem tekstu: direktor Zavoda) rješenjem određuje državne službenike za vršenje stručnog nadzora, zavisno od vrste radova koji su predmet stručnog nadzora.
- (2) Ovisno od složenosti građevine, direktor Zavoda može formirati nadzorni tim inženjera i imenovati koordinatora koji je odgovoran za međusobnu usklađenost rada nadzornog tima.
- (3) Stručni nadzor se obezbjeđuje od početka građenja, odnosno izvođenja radova i traje do završetka građenja, odnosno izvođenja radova i izdavanja upotrebne dozvole.

Član 5.

(Postupanje)

- (1) Ukoliko prilikom vršenja stručnog nadzora nadzorni inženjeri, odnosno koordinador nadzornog tima utvrde da izvođač radova odstupa od izdate građevinske dozvole, odnosno glavnog ili izvedbenog projekta, predviđenog kvaliteta materijala i opreme koja se ugrađuje u objekat ili odstupa od drugih elemenata koji bi uticali na kvalitet radova, utvrđenu vrijednost objekta ili na produženje rokova izgradnje, dužni su, bez odlaganja, sve primjedbe unijeti u prateću dokumentaciju koja se vodi na gradilištu, te usmenim i pismenim putem o tome obavijestiti investitora i naložiti izvođaču preduzimanje odgovarajućih mjera u cilju otklanjanja uočenih nepravilnosti, kao i posljedicama koje mogu nastupiti ako te mjere ne budu preduzete.
- (2) Ukoliko Izvođač ne postupi prema nalogu i ne otkloni uočene nepravilnosti i nedostatake, nadzorni inženjer

odnosno koordinator nadzornog tima je dužan pravovremeno obavijestiti nadležnog urbanističko-građevinskog inspektora radi preduzimanja zakonom propisanih mjera.

Član 6.

(Viškovi i manjkovi radova i nepredviđeni radovi)

- (1) Ukoliko prilikom vršenja stručnog nadzora ili na osnovu informacije izvođača, nadzorni inženjeri, odnosno koordinator nadzornog tima, utvrdi postojanje viškova, manjkova ili nepredviđenih radova u odnosu na zaključeni ugovor i predmjer radova, dužan je odmah obavijestiti investitora uz detaljno obrazloženje viškova i manjkova, odnosno nepredviđenih radova i materijala (greška u projektu, predmjeru i predračunu, podaci o količinama i si.) u cilju regulisanja međusobnih ugovornih odnosa sa izvođačem u pogledu izvođenja, obračuna i daljeg nastavka radova.
- (2) U ovisnosti o određenju investitora o načinu regulisanja međusobnih odnosa sa izvođačem u pogledu utvrđenih nastalih viškova i manjkova radova (varijacioni nalog, aneks ili novi ugovor), nadzorni inženjer (koordinator) je dužan prekontrolisati pozicije u pogledu količina i kvalitete stvarno izvedenih radova i ovjeriti potpisom dostavljenu dokumentaciju koja je osnova za izradu privremenih situacija i konačnog obračuna izvedenih radova između investitora i izvođača.

Član 7.

(Završni izvještaj)

Nadzorni inženjer izrađuje završni izvještaj o izgradnji građevine koji sadrži sve podatke propisane važećim propisima i učestvuje u postupku tehničkog prijema građevine.

Član 8.

(Neprimjenjivanje ili nepoštivanje odredbi ove instrukcije)

Neprimjenjivanje ili nepoštivanje odredbi ove instrukcije predstavlja osnov za pokretanje disciplinskog postupka radi utvrđivanja disciplinske odgovornosti nadzornih inženjera.

Član 9.

(Stupanje na snagu)

Ova instrukcija stupa na snagu danom objavljivanja u "Službenim novinama Kantona Sarajevo"

Broj 03-45-6852/25

04. augusta 2025. godine

Direktor

Belma Barlov, s. r.

**JP "TELEVIZIJA KANTONA SARAJEVO" D.O.O.
SARAJEVO**

Na osnovu člana 27. stav (1) tačka e) i stav (2) tačka h) Statuta JP "Televizija Kantona Sarajevo" d.o.o. Sarajevo, broj 03-90/22, 03-37/23 i 03-17/25, a vezi sa članom 234. stav (1) tačka k) i 247. stav (1) Zakona o privrednim društvima Federacije FBiH ("Službene novine Federacije BiH", broj 81/15 i 75/21), Skupština JP "Televizija Kantona Sarajevo" d.o.o. Sarajevo, na 7. redovnoj sjednici, održanoj dana 8.8.2025. godine, donosi

ODLUKU**O RAZRJEŠENJU ČLANOVA NADZORNOG ODBORA
JP "TELEVIZIJA KANTONA SARAJEVO" D.O.O.
SARAJEVO****I**

Razrješavaju se dužnosti predsjednika i članova Nadzornog odbora JP "Televizija Kantona Sarajevo" d.o.o. Sarajevo:

1. Vedran Fajković, predsjednik

2. Avdija Hasanović, član

3. Enver Kazaz, član

zbog isteka mandata na koji su imenovani.

II

Razrješenje imenovanih iz tačke I ove Odluke vrši se sa danom 5.7.2025. godine.

III

Odluka stupa na snagu danom donošenja i objavit će se u "Službenim novinama Kantona Sarajevo" i na www.tvsa.ba.

Broj 03-50/25

8. augusta 2025. godine

Sarajevo

Punomoćnik

Vlade Kantona Sarajevo

Danka Polovina - Mandić, s. r.

(Sl-1169/25-K)

Na osnovu člana 27. stav (1) tačka e) i stav (2) tačka h) Statuta JP "Televizija Kantona Sarajevo" d.o.o. Sarajevo, broj 03-90/22, 03-37/23 i 03-17/25, a vezi sa članom 234. stav (1) tačka k) i 247. stav (1) Zakona o privrednim društvima Federacije FBiH ("Službene novine Federacije BiH", broj 81/15 i 75/21), Skupština JP "Televizija Kantona Sarajevo" d.o.o. Sarajevo, na 7. redovnoj sjednici, održanoj dana 8.8.2025. godine, donosi

ODLUKU**O IMENOVANJU ČLANOVA NADZORNOG ODBORA JP
"TELEVIZIJA KANTONA SARAJEVO" D.O.O.
SARAJEVO****I**

U Nadzorni odbor JP "Televizija Kantona Sarajevo" d.o.o. Sarajevo imenuju se:

1. Avdija Hasanović, član

2. Dženana Bećirević, član

3. Maja Miralem, član

II

Mandat članova Nadzornog odbora traje četiri godine, počev od dana donošenja ove Odluke, s tim da po isteku perioda od dvije godine od dana imenovanja Skupština JP "Televizija Kantona Sarajevo" d.o.o. Sarajevo glasa o povjerenju članovima Nadzornog odbora.

III

Članovi Nadzornog odbora će zaključiti ugovor sa JP "Televizija Kantona Sarajevo" d.o.o. Sarajevo, koji prethodno odobrava Skupština JP "Televizija Kantona Sarajevo" d.o.o. Sarajevo kojim će se regulisati međusobna prava i obaveze.

IV

Odluka stupa na snagu danom donošenja i objavit će se u "Službenim novinama Kantona Sarajevo" i na www.tvsa.ba

Broj 03-51/25

8. augusta 2025. godine

Sarajevo

Punomoćnik

Vlade Kantona Sarajevo

Danka Polovina - Mandić, s. r.

(Sl-1170/25-K)

SLUŽBENE OBJAVE**UDRUŽENJA / FONDACIJE**

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Sankaški klub "Luge", Ministarstvo pravde i uprave donosi